

自反錄第二集卷十三

文電類七下

晉閻叛應桂逆後令討逆各軍將領電（續）

馬總指揮勳鑒。卅午酉戌各電均悉。密世兄決心死守兗州。以支全局。不惟保全革命。且尊翁與中皆爲之增榮。吾人非泛泛浮浮之交。於此患難之來。正吾人生死相共之時。平日情同手足。戰時誼屬袍澤。乃知世兄明練。必能以中之意爲意也。中料世兄守兗。夏師晉逆。必不敢大舉南犯。如果來犯。則我正面抽調已畢。不過固守三四日。必可來援。屆時內外夾擊。不難一舉而殲也。是世兄對於革命史上之功績爲何如耶。其諸賀主任指揮各部可以照辦。擬即通令各部也。近情盼復。中正。東辰。十九年七月

韓總指揮勳鑒。密頃接閻致馮艷電稱……等語。據此。則兄部可于此乘機急攻濟南。如其果由兗州向徐南下。則

即派主力部隊佔領濟寧兗州斷其歸路。如何。盼復。中正。
東辰。十九年七月

賀主任轉濟甯陳旅長施旅長勳鑒。得賀主任電告。兄等
決心死守濟甯。以爲隴海正面作戰之屏蔽。忠勇義烈。無
任感佩。此間已派三師兵力增援兗甯。務希二兄勗勉。請
將士共同奮鬥。盡忠職守。則革命歷史上之光榮。中正亦
與有榮也。特電嘉慰。并希多派偵探在汶上嘉祥金鄉鉅
野探察逆踪。隨時報告。濟甯城內有否無綫電。盼復。蔣中
正。蕭申。十九年七月

賀主任勳鑒。蕭申電悉。密。石部全在舊考城附近被圍。決
未西進。惟鉅野失守殊堪注意。請即就近派隊至金鄉嘉
祥各一營駐守。而單縣與城武已由此派隊馳往矣。中正。
江卯。十九年七月

馬總指揮勳鑒。支辰電悉。密。我軍將士忠勇。以少敵衆。無

任感慰。未知傷亡情形如何。念甚。第十一師集中滕縣。以昨日路斷。運輸滯停。故中令其先集中滕縣。并在此期間。可對泗水警戒。以掩護我兗州之側背也。茲決定援軍未集中以前。如遇大部逆軍壓迫時。即令馬旅長退入兗城內閉城固守。以待援到來擊。并另電懸獎以昭有功也。中正。寅巳。十九年七月

馬總指揮勳鑒。支午電悉。石逆全部今晨已爲我軍殲滅。另有張印湘來援。亦被我軍截擊。正面已大獲勝利。務請世兄照前電督令馬旅長死守兗州。萬不可放棄以全大局。逆軍實力。吾人所知。如能固守。則必不敢進犯也。請靜鎮謹守爲荷。中正。支未。十九年七月

賀主任勳鑒。寅辰已電悉。密金鄉並未失守。即有匪警。亦無妨礙。中已有準備。曲克決不可放棄。請督率各部固守。兗曲各城。待援夾擊。以全大局。今晨石逆全部已完全解

決矣。希轉告各師無令不得擅退。勉守軍紀爲要。中正。支未。十九年七月

賀主任勳鑒。支午電悉。密請即照午前各電令馬夏各師退守兗曲城內固守待援。無令萬不得向兗曲以南擅退。此間石逆已全部解決。出擊部隊已由舊考城向內黃蘭封。戰局不難速了。晉逆知石逆殲滅。必不敢輕易南下。故望固守兗曲二城。三日援軍集中。即可內外夾擊也。請以此意轉告少雲世兄。并明告中決不負我忠勇將士。而況少雲乎。中正。支申。十九年七月

賀主任馬總指揮勳鑒。密頃獲逆軍對劉映相江電如下。傅部白濡青師在廿里堡。葉啓傑師江午可到甯陽。周原健師在曲阜附近。李生達部霍原壁師在姚村。陳長捷師江到大汶口。李生達軍部及于鎮河師在歇馬亭。逆軍位置既明。且其大部已到兗曲附近。我馬夏二師必衆寡不

敵請即令各該師退入城內固守待援。勿在城外與多數之逆軍野戰。援軍決于三日內集中出擊。兗曲二城如未備無綫電。則請先約內外夾攻之。記號爲要。中正。豪申。
十九年七月

韓總指揮勳鑒。密。兄部戰況如何。此間津浦綫已閉城固守。兗州曲阜以待援軍之集中。未知于此期間。吾逆對膠濟路是否先行壓迫。甚念飛機以大雨在兗州不能飛離。亦不能離兗。閉城時已將發動機卸下。免爲逆敵利用。此間以道遠須待滕縣機修妥方得飛離工作也。中正。歌西。
十九年七月

陳師長勳鑒。密。聞微日由滕回歸德之車爲途中軍隊扣留。以致妨礙輸送。請弟負責監督。無論何隊不得沿途扣車。否則軍法從事。中正。魚機。
十九年七月

上海熊司令勳鑒。密。劉君實兄明陽日由滬乘船赴瀋。務

希將下電迅即轉交爲荷。君實兄鑒。晤漢卿副司令。希先商于孝侯出師事務。請速決。萬一于有困難。擬請由渤海艦隊沈司令受中央命令運送中央軍隊四師至大沽或秦皇島登陸。倘漢卿對此亦須避嫌。則中另派艦輪送軍隊登陸。請渤海艦隊諒解。勿加過問。中意以于孝侯出師爲第一策。渤海艦隊運兵爲第二策。最好速行第一策。不得已則思其次。萬一兩策俱不能行。則另派艦運兵。而請渤海艦隊諒解。亦勝于無策也。務商漢卿副司令迅速決定電告。中正。魚亥。十九年七月

何總指揮勳鑒。密。萬選才到漢後有否發生效力。惟觀其所部石振清宋天才來往電中。似有使萬設法脫逃之謀。務請嚴密防範。加緊監視。如石宋果能服從其命令。則須于真日以前動作。我方準備郝蕭諸師或十軍全部隨其前進直取鄭州。如果能佔領鄭州。并可給獎一百萬元也。

務請限其所部發動日期。否則時久洩漏。馮必偵知。其事無成。而且有害。萬逆不如解回南京爲妥。如何。盼復。中正。虞申。十九年七月

滕縣賀主任馬總指揮陳師長勳鑒。密。昨電諒達。如晉逆攻城不猛。則十一師不如待教。一師集中後。請同時推進也。第十二師之三團約真日可集中。滕鄒十三師之又三團及第五十師全部亦可續到此。皆可作爲津浦綫預備隊也。中正。虞辰。十九年七月

賀主任轉第十三師盧旅長勳鑒。魚電欣悉。密。我兄以一旅之衆而當頑孽。犧牲不惜。臨難不苟。見危受命。此古名將之風。中亦與有榮也。增援部現已集中。鄒滕日內即可推進。曲兗殲滅逆軍。完成功業。當不在遠。尙望督率所部靜鎮謹守。用赴使命。晉逆殲兵雖多。皆係山賊。攻城不能奏效。我守城部隊皆在城牆間多挖槍洞。數層構築掩蓋。

並將機槍位置安妥。料其來衝方向而密布掃射之。則其來攻一二次之後。必不敢再來侵犯矣。逆軍最怕我軍機槍。請善用之。近情希隨時告。中正。虞辰。十九年七月

何總指揮勳鑒。密。馮決以平漢綫責令其第八方面軍第六路軍扼守漯河各要口。所餘第二方面軍概撤至許昌和尚橋新鄭郭莊一帶。側重扶溝尉氏通許杞縣陳留各方敵軍。而令平漢綫之劉郁芬部及石友三劉春榮鄭大章各部向隴海綫北側繞攻我軍後方。襲取歸德。其計在必行。據此。則我軍應即變更計畫。郝師或第十軍應即令其移來隴海綫。即由淮陽與太康之道路經柘城之北直達睢縣以南之順河集。該路祇有少數逆騎。並無大部逆部。與其第九軍會合。或令第十軍先來。或令楊軍與郝師留守漯河亦可。務望吾兄速決。並限派來部隊於文日前到達順河集爲要。如何。盼復。中正。齊子。機。印。十九年七月

滕縣賀主任徐州飛機隊毛隊長勳鑒。密。對攻擊兗曲之晉逆礮兵陣地。務希全力轟炸外。并須對肥城汶上長清東阿濟甯鉅野金鄉魯台一帶之敵情。每日朝夕二次派機詳加偵察。以逆軍有由汶上出嘉祥金鄉直趨碭山之企圖也。中正。齊卯。十九年七月

軍政部陳次長勳鑒。密。前令購之起土機究有到否。何如此遲緩。如已到請速解前方應用。後方所存之爆破材料及魚雷地雷請掃數運來。并復詳數。且與海軍協商此等材料借用之請。滬廠特製尖頭自動槍彈。藥料須加足。滬漢廠請多造地雷運來前方使用爲盼。中正。齊卯。十九年七月

韓總指揮蔣總參議勳鑒。密。晉逆猛攻曲阜兗州二城。連攻三日未得稍逞。其氣必餒。頃據確報。已由膠濟路抽調其一軍一師由汶上向濟甯金鄉襲斷我隴海綫。并思與其在魯西之石逆殘部另調孫連仲部來魯西亟想打成

一片我軍已有嚴密布置。決無疏失。惟晉逆既抽調膠濟部隊增援津浦。則我第三路全部應乘機向濟南猛進。斷其歸路爲盼。如何。盼復。此間決照昨電所定日期如期進攻。并聞。中正。十九年七月

何總指揮勳鑒。昨二電諒達。密。馮逆繞攻我隴海右翼甚急。務催令郝師由淮陽經柘城東南或西南地區之道路直達甯陵城。并限文日前集中甯陵勿延爲要。如何。盼復。中正。庚辰。十九年七月

何總指揮勳鑒。前二電諒達。密。茲決定第十軍與郝師轉進隴海綫道路如下。灰日由淮陽經黃路口到宿彌寺宿營。真日經李灘店戴口到張弓集宿營。文日集中甯陵城。并另派一部由淮陽西北之柳林集經張標營或殺豬李馬廠朱口。與其主力會合于李灘店附近。爲左側衛。是爲必要。請即照辦。萬勿延誤。又任應岐王振二部魚日已到。

柘城虞日已向亳州援助孫匪。據此則漯河附近我第十軍再無多留之必要。最多留蕭師與楊軍防守。而第四十八師應即由周口向太康方向威脅逆軍側背。與我隴海左翼切取聯絡。使逆軍不得猛攻隴海之正面也。如何。盼復。中正。齊已。印。十九年七月

何總指揮勳鑒。前三電諒達。密。第四十八師務請抽調來隴海綫參戰。如恐平漢路單薄。萬一逆軍來犯不支。則可退守武勝關或武漢要塞。以此半月內每日必有大部由湖南過漢。如平漢路緊急。則過漢部隨時可以增援。不患馮逆攻漢也。且馮逆此時必不敢攻漢。請兄務照中意速催第四十八師與郝師先後開拔來援。此間正面陣綫極固。決無疏失之理。祇要該兩師到達。即可反攻決勝也。盼詳復。中正。齊已。二十九年七月

徐總指揮克成兄勳鑒。密。現馮閻對平漢。僅以第八方面

軍之第六路監視我第三軍團。其主力專在隴海綫與我決戰。我軍現調集湘鄂贛粵各軍。決以全力與之決一勝負。全局成敗。在此一舉。擬調吾兄所部。加入隴海方面。先開至周家口。以北清河驛齊集附近。威脅通許太康尉氏。相機直趨開封。使其腹背受敵。制勝可操左券矣。貴部移至指定地點所需時日。請詳細計畫告知爲荷。除另電雪竹總指揮速行外。特此電商。中正叩。庚申十九年七月。

蔣總參議並轉韓總指揮勳鑒。齊辰電悉。密。淄州戰況如何。甚念。此次第三路恢復濟南。爲我革命軍惟一之生死關頭。務望對於敵情詳加偵察。一經出發以前。不使稍有阻礙。總以避實擊虛。爲此時進展惟一要則。克復濟南後。請以一部向當面退却逆部窮追外。其餘主力速向泰安肥城方面轉進。以期雙方夾擊殲滅晉逆于黃河南岸。勿使其片甲回晉也。對於東阿一帶渡口及浮橋尤須注意。

派隊截斷各師皆已依期集中。今日經扶已赴滕縣指揮。惟請守秘不宣爲要。中正。十九年七月。

劉總指揮賀主任馬總指揮勳鑒。對兗曲逆軍似應在正面先用少數兵力牽制。而用兵力于左右翼。或由第十一師爲右翼軍向曲阜東北地區繞攻逆軍側背。教一師與中央軍第六四師爲左翼軍。而以第一師爲總預備隊。何如。請酌之。惟進攻時須與飛機切實協同爲妥。中正。佳已。十九年七月。

王總指揮勳鑒。密。任應歧援亳部隊約二三日後方得集中柘城附近。請兄限孫殿英十二日退出亳州。指定一條道路。准其向太康前進。如至十二日晚張伯英尙未回來。而孫亦不離亳城。則自十三日拂曉起猛攻亳城可也。王翰鳴兄請優待之。中正。眞寅。十九年七月。

蔣總參議勳鑒。密。灰電悉。昨未反攻。以後即可同時夾擊。

殲滅晉逆。必不在遠。中意如能再展緩二三日。則湘南蔣蔡各師可以加入作戰。津浦綫兵力更厚。勝算更大。以必欲施行大兵力以包圍之。方能達到殲滅目的也。如膠濟綫情況不急。則准再展期三日。至銑日總攻。否則如急不及待。則照原定元日不改亦可。請與向兄詳商即復。中正。真午。十九年七月。

劉總指揮勳鑒。本日戰況如何。倘情況許可。則展緩數日再行總攻擊爲妥。刻屬耿光兄與韋顧問來鄭相商。承述中作戰意見。請優禮妥商之。黃口鐵路昨日當時即行恢復。勿念。請轉告貴嚴兄。李雲杰師明日可由柳河出發。與第九師同路挺進也。閻逆在井病危。特聞。中正。真酉。十九年七月。

蔣總參議勳鑒。文辰電悉。密。此間隴海正面。昨日以來。逆軍進犯甚烈。故第一師及第九師各一師皆須緩調留用。

故津浦兵力不能如期集結。最好再緩數日。否則膠濟路先行出擊。津浦路同時佯攻。不使逆軍回援膠濟路。并此意轉電經扶也。中正文已。十九年七月

劉總指揮勳鑒。密。昨夜來鐵路正面逆軍進犯甚激。第五師陣地被其突破。幸第二旅增援。乃得維持。但現尙相峙中。刻調第四七師來援。擬今夜或明晨擊退逆軍恢復原有陣地後。第二第三旅方得起運來鄒也。中正文申。十九年七月

蔣總參議轉韓總指揮勳鑒。伯誠兄文戌電悉。密。向兄既決心今晨出擊。則即令經扶亦同時猛攻。兵力雖未集中。然當正面已有餘也。可勿念此間隴海正面逆軍仍在猛攻中。迄未得逞。以閭已知經扶到鄒。我第一二二九十一與教一各師皆調津浦。察其電語。驚恐異常。本日戰況如何。盼復。中正元辰。十九年七月

劉總指揮勳鑒密。此間李堪集正面恢復陣地進展甚慢。第二三旅十六銑日前恐不能調來鄒縣。屆時總攻擊仍請以第十三師與六四師在正面牽制。而令第十一與教一師繞攻其側背。能由萊蕪吐絲迂迴至文祖鎮圖與韓部聯絡更好。何如。請酌之。中正。元午。十九年七月

蔣總參議轉韓總指揮勳鑒密。張伯英兄昨夜已由孫殿英送出亳城。請其來投誠事已有端倪。不久當可實現。惟請極秘不宣。中正。元午。十九年七月

王總指揮勳鑒密。孫致伯英兄電似有誠意。可請伯英兄復其一函。並無要松亭作質之意。撤收部隊沿途警戒。不能不由大員來前實地視察。即松亭不來。其外師長均可代也。今王任各逆既到我陣地附近。不能不擊退。再請嚴英派員視察實施。昨日所定辦法可也。可否如此復彼。請酌之。中正。寒辰。十九年七月

濰縣韓總指揮兗州劉總指揮勳鑒。密。三日來隴海正面逆軍反攻甚烈。迄未得逞。但備轉津浦綫之各部。一時不能移動。仍須留駐隴海綫以固正面。我膠濟路戰況本日如無進展。則可暫取守勢。加強兩翼工事。并設法由淄川博山方面與津浦綫亦應注重右翼準備部隊與膠濟綫連繫一致。以期共同出擊也。聞逆似有調隴海之晉逆各部由鐵路運輸增援津浦之意。以現在兵力比較。敵我相等。但彼對津浦綫已取守勢。故進攻或難奏效。不如待蔣蔡李譚各師集中後。膠濟津浦再行同時反攻。則更有勝算。惟須展期至廿日以後耳。故於此期間。趕築工事。不使逆稍得逞爲要。何如。盼復。中正。寒已。十九年七月

郝師長勳鑒。元電悉。密。前指定之道路宿彌寺附近一帶。切不可經過。因已有逆軍駐守。恐被其阻截。請兄即由淮陽經其東方之胡岡店虎頭岡以至鹿邑東南之王溜波。